

Seok gogonemeh gen Iqbal

Timoyolmiktiah, iga onógehgok miak gogonemeh gen Iqbal pan taltikpak, mah miak, nepa pan italanwan Asia, África wan América Latina. Aman, 400 miyón gogonemeh pan nochi taltikpak gintehtelchihtogeh, de nochi hon, 168 miyón tagotzitzin wan chogotzitzin yah gipiah tzalan 5 wan 14 xiwit tegipanohtogeh nochipa asta 15 orah pan se tonal gan apenas gittah itawihlo tonati; ompa gintehtelcháh wan ginwewehtegipanoltiah, ompa no gimbamiktiah, seok ompa tahkowihkohliwih wan ayokkia weyah, onok no tagotzitzin yah tegipanoah pan gahlimeh gan aginyegittah wan gintehtelcháh o ginnamiktiah wan ahagah yah yehameh aginegih.

Monegi nochi tokenwan pan taltikpak ma tikchagan miaksan iga ma tami nochi hin yolmiktilis wan iga yah gicháh hon tehtelchalis ma tataxtawigan yekti. Hon iga, pan hin tahlamigilis tonal monegi nochimeh ma timobayehyegogan wan ma titatelwigan bak tikmatih iga gahganah motehtelchá wan mowewehtegipanoltia gogonemeh.




VERACRUZ
GOBIERNO
DEL ESTADO



SEV
Secretaría
de Educación

AVELI
Academia Veracruzana
de las Lenguas Indígenas



ACADEMIA VERACRUZANA DE LAS
LENGUAS INDÍGENAS

Av. Xalapeños Ilustres No. 7
Edificio Radio Mundial 5º Piso
Xalapa, Veracruz, México, C.P. 91000

Tel. 01 228 890 4119/20
www.aveli.gob.mx

AVELI

ACADEMIA VERACRUZANA DE
LAS LENGUAS INDÍGENAS



16 mesti abril Taltikpak tonal iga amó ma motehtelchagan gogonemeh

Lengua: Nahuatl del Sur (Pajapan)
Subdirección de Fortalecimiento y Promoción de las Lenguas Indígenas
Sección de Difusión de la Diversidad Cultural y Lingüística

Gan mopewaltia hin tahlamigilis

Hin ilwit mopewaltia pan imiktilis **Iqbal Masih**, se chogotzin yah gipiaya 12 xiwit, pan 1995; hon chogotzin bak gipiaya 4 xiwit itah ginamák pan se tegipanolgahli gan gichayah talpehpexmeh nepa pan altepet Punjab iga hon tagat ginegia tomin iga ginamiktiskia seok ichogo.

Iga wel ma gibepa hon tomin, Iqbal tegipanoaya mahtakti wan se orah pan se tonal. Pero panok iga hon tomin yah tawigiliayah axeliwia sino miagiaya, hon iga Iqbal nochipa tegipanohtoskia wan nigeman atamiskia itegipanolis pan hon tegipanolgahli.



Iqbal itamanawilis

Pan 1992, bak panógaya makpal xiwit iga tegipanohtoya ompa, Iqbal giixmatik Ehsan Khan, se tagat yah



gimanawiaya hon tokninwan yah ginwewehtegipanoltiayah. Hon tagat giyagan, wan hon paquistaní chogotzin tatelwih wan gihtoh gen miak gogonetzitzin gen yeha ginwewehtegipanoltiayah ompa pan tegipanolgahli gan gichayah talpehpexmeh, ihkón mobepak intamanawiani hon gogonemeh.

Iga se nechigolis yah itoga Frente de Liberación del Trabajo Forzado gitahtwilih, gitegimahkahkeh wan ihkón mobepak se chogotzin yah gimanawiaya seok gogonemeh, yeh gichih ma gitzabagan miak tegipanolgahlimeh gan ginwewehtegipanoltiayah seok chogotzitzin. Itegipanolis moixmatik nowian wan gimagageh tatanilmeh nepa pan weyaltepemeh Estocolmo wan Boston, wan iga hon tomin gichih se tamaxtilgahli.

Iqbal imiktilis

Itexko itamanawilis, hon yah gipiayah tegipanolgahlimeh gan ginwewehtegipanoltiayah gogonemeh, agiyegittayah, hon iga pan 16 mesti abril pan xiwit 1995 itahtolis san polihtigisak bak gimiktihkeh iga tepos bak tepak nemia pan ibisikletah.

Hon yah gimiktihkeh (itegowan tegipanolgahlimeh gan mochaya talpehpexmeh) gitamiltihkeh iyonolis, pero nigeman atamik itamanawilis, Iqbal aman niganenga gehlamigih gan gimanawiah gogonemeh iga amó ma ginwewehtegipanolitigan.

